

জীবন এখানে যেমন - ৮

প্রবাস কড়চা

একটি জরুরী প্রেস বিজ্ঞপ্তি ও খলের বিড়াল

সিডনীতে অবস্থিত আদি ও একমাত্র কল্যাণমুখী অরাজনৈতিক বাংলাদেশী সংগঠন ‘বাংলাদেশ এসোসিয়েশন অব অ্যান্টিলিয়া’ থেকে কর্ণফুলী’র কার্যালয় অতি জরুরীভাবে একটি প্রেস বিজ্ঞপ্তি গ্রহণ করেছেন। বিজ্ঞপ্তিটির ভাষায় বুঝা যাচ্ছে যে সিডনী’র কোন একটি রেডিও এবং একটি পারিবারিক ওয়েবসাইটে একই নামে পাশাপাশি আরেকটি এসোসিয়েশনের পক্ষে দীর্ঘদিন ধরে দুর্ভিসন্নিমূলকভাবে অপপ্রচার চালানো হচ্ছে। এসোসিয়েশনের সভাপতি ও প্রচার সম্পাদক টেলিফোনে কর্ণফুলীকে জানিয়েছেন যে উক্ত ভুয়া এসোসিয়েশনটি তাদের পোষ্য প্রচার মাধ্যমগুলোর কর্তৃক বিভিন্ন অনুষ্ঠানের নামে নিরীহ বাংলাদেশীদের কাছ থেকে চাঁদা সংগ্রহের ব্যবসা শুরু করে দিয়েছে। নাম প্রকাশে অনিচ্ছুক একজন বাংলাদেশী প্রবীণ সমাজকর্মী কর্ণফুলী কার্যালয়ে ফোন করে জানিয়েছেন যে, (বক্তার অনুমতিক্রমে তার বাক্যগুলো ধারন করে রাখা হয়েছে এবং কর্ণফুলী’র অগনিত পাঠকদের জন্যে তা হ্রাস তুলে ধরা হলো) “উক্ত দু’টি মাধ্যমের (রেডিও এবং পারিবারিক ওয়েবসাইট) মালিক-দোসর দীর্ঘদিন সিডনীতে নিশিজাগা যাত্রীবহন করে করে এখন বড় ক্লান্ত। তাই বহুদিন ধরে এই দোসর তাদের পরিচিতির পান্না ভারী করার জন্যে এখন সিডনী প্রবাসী বাংলাদেশীদের কাঁধে চড়া’র স্বপ্ন দেখতে শুরু করে। সেই ‘খায়েস’ এর উম্মাদনায় তারা দুজনে আড়ালে থেকে কয়েকজন অবোধ ব্যক্তিকে দিয়ে সমান্তরালভাবে একই নামে আরেকটি ভুয়া এসোসিয়েশন দাঁড় করিয়ে প্রবাসী বাংলাদেশীদের ধোঁকা দেয়া শুরু করেছে। দুর্ভাগ্য এই অবোধরা প্রায় সকলেই স্বল্পশিক্ষিত, এমনকি বার ক্লাশ পাশ নেই এমন তিনি/চারজন ‘নেতা’ দিয়ে তারা সমান্তরাল আরেকটি এসোসিয়েশন খাড়া করে দিয়েছে। পরিস্থিতি শান্ত হয়ে গেলেই ঐ দোসর তাদের দীর্ঘদিনের স্বপ্নবিলাস চরিতার্থ করার জন্যে স্বল্পশিক্ষিত এই অবোধদের কাছ থেকে মধ্যবর্তিকালীন সময়ে সাদা কাগজে ‘টিপ সহী’ নিয়ে এসোসিয়েশনের দায়ীত্ব বুঝে নেবে। অনেকটা ‘গীভ এন্ড টেক’ এর মত চুক্তিটির নস্কা করা হয়েছে। গোয়েবলস সুত্রানুযায়ী তাই ওরা দুজন বারবার নানা ছলাকলায়, বিভিন্ন অনুষ্ঠানের ছুঁতো ধরে বিভিন্ন অনুষ্ঠানের প্রচার করে ভুয়া এসোসিয়েশনটিকে ‘জায়েজ’ করার জন্যে উঠে পড়ে লেগেছে। সিডনী’র বাংলাদেশীরা দেখবে, ঠিক সময় হলে খলের বিড়াল ‘মিংড’ করে উঠবে। তখন দেখা যাবে ঐ দোসর তাদের পাওনা বুঝে নিতে এই নিরীহ ও অবোধ ‘নেতা’দের দুয়ারে মধ্যরাতে কড়া নাড়ে। এই ভাগভাগি ও গুঁতোগুঁতির কারনে আজকাল কেউ আর এসোসিয়েশনের নাম শুনতে চায়না। করজোড়ে মাথা নুঘে অথবা পা ধরেও সুশীল বাঙালী সমাজের কাউকে আজকাল কোন অনুষ্ঠানে আনা যায়না।” এই অপপ্রচার রোধ করতে সার্বজনিন এসোসিয়েশনটির সদ্য নির্বাচিত কমিটি ঐ প্রচার মাধ্যমগুলোতে উক্ত বিজ্ঞপ্তি কয়েকবার পাঠিয়ে ছাপানোর জন্যে অনুরোধ করেছিল বলে জানা যায়। ব্যর্থ হয়ে শেষ পর্যন্ত কর্ণফুলী’র কাছে তা পাঠিয়েছেন।

প্রেস বিজ্ঞপ্তিটি পড়ার জন্যে এ চৌহদির ভেতরে টোকা মারুন

শোক সংবাদ

অট্টেলিয়ার প্রথম বাংলা ওয়েবসাইট ‘বাংলা-সিডনী’ এর পরিচালক ও সম্পাদক জনাব আনিসুর রহমান অতি জরুরীভাবে গত ১৪ জুন বাংলাদেশে ছুটে গেছেন। তার পিতা আলহাজ কোরবান আলী প্রায় ৮০ বছর বয়সে গত ১৩ই জুন হৃদাক্রিয়াজনিত কারনে ইন্টেকাল করেন। পিতার মৃত্যুতে জনাব রহমান রাজশাহী শহরের কাজিহাটা আবাসিক এলাকায় তার বৃন্দা মা ও শোকাহত পরিবারের সাথে মিলিত হতে গেছেন এবং তিনি সেখানে শোকসন্তপ্ত পরিবারের সাথে প্রায় একমাস কাটাবেন বলে জানা গেছে। জনাব রহমানের পিতৃবিয়োগে তার শুভানুধ্যায়ী ও অগনিত বন্ধু বন্ধব তাদের সমবেদনা প্রকাশ করেছেন।

কলরোল এর ২০০৬ পুরষ্কার বিতরনী

সিডনী’র বিশিষ্ট রবিন্দ্র সঙ্গীত শিল্পী ও বাংলাদেশ মিউজিক স্কুল এর পরিচালক মঞ্জুর হামিদ কচি এর পরিচালনায় অনুষ্ঠিত হতে যাচ্ছে একটি মনোজ সাংস্কৃতিক সম্বৰ্ধা। এতে অংশগ্রহণ করবেন, সাদী মোহাম্মদ, সুজিত মোস্তফা ও সুলতানা কবির মিতালী। অনুষ্ঠানে ন্ত্য পরিবেশন করবেন মুনমুন আহমেদ। একই দিনে একই মঞ্চে দুপুর ১২.৩০ থেকে বিকেল ৪.৩০ পর্যন্ত কলরোল এর ২০০৬ এর উন্মুক্ত প্রতিযোগিতা অনুষ্ঠিত হবে। এতে অংশ গ্রহণ করতে কোন টিকেট খরচা নেই তবে মূল অনুষ্ঠানের জন্যে শ্রেণীভেদে ২০, ৪০ ও ১০০ ডলারের টিকেট ধার্য্য করা হয়েছে। মঞ্জুর হামিদ কচি’র ফোন (৯৬১৮ ৩১৯৪ অথবা ০৪১৯ ২০৪ ১৮৬, ০৮০১ ০০২ ৩২০) এ যোগাযোগ করে অনুষ্ঠান বিষয়ে আরো বিস্তারিত জানা যাবে বলে শোনা গেছে। আগামী ২শরা সেপ্টেম্বর ২০০৬ শনিবার চিরপরিচিত বারউড গার্লস হাই স্কুল অডিটোরিয়ামে অনুষ্ঠিত হবে এ সাংস্কৃতিক সম্বৰ্ধা।

প্রতীতি’র অনুষ্ঠান

বাংলাদেশের শিলাইদহ ও শাহজাদপুরে রচিত কবিগুরু রবীন্দ্রনাথ ঠাকুর যে গান ও কবিতাগুলো রচনা করেছিলেন সেগুলোর সমাহারে আগামী ৩০শে জুন শুক্রবার সন্ধ্যা সাড়ে সাতটায় সাংস্কৃতিক সংগঠন প্রতীতি কোরেকার্স হীল কমিউনিটি সেন্টারে তাদের পরবর্তি অনুষ্ঠান পরিবেশন করতে যাচ্ছে। সাহিত্য ও সঙ্গিতামুদে সকল বঙ্গভাষীকে উক্ত অনুষ্ঠানে আন্তরিকভাবে আমন্ত্রণ জানানো হয়েছে। এ জন্যে কোন আনুষ্ঠানিক আমন্ত্রণপত্র বা টিকেট লাগবেনা বলে সংগঠনের পরিচালক সালেকীন জানিয়েছেন।

জনাব সালেকীনের লেখা অনুষ্ঠানের আমন্ত্রণপত্রটি পড়ার জন্যে এখানে টোকা মারুন